

## Կ Ա Ր Ծ Ի Ք

Լիանա Սերժիկի Արզումանյանի «ՃԱՆԱԶՈՂԱԿԱՆ-ՀԱՂՈՐԴԱԿՑԱԿԱՆ ՄՈՏԵՑՈՒՄԸ ԲԺՇԿԱԿԱՆ ՄԱՍՆԱԳԻՏԱԿԱՆ ԱՆԳԼԵՐԵՆ ԲԱՌԱՊԱՇԱՐԻ ՈՒՍՈՒՑՄԱՆԸ» ԺԳ.00.02 - «Դասավանդման եվ ուսուցման մեթոդիկա» (անգլերեն լեզու) մասնագիտացմամբ մանկավարժական գիտությունների թեկնածուի գիտական աստիճանի հայցման ատենախոսության մասին:

Անգլերենի բժշկական բառապաշարի և հաղորդակցության կարողունակությունների զարգացումը ժամանակի անժխտելի պահանջ է դարձել, և այն պետք է իրականացվի համապատասխան ռազմավարության մշակմամբ և ուսումնական գործընթացում դրա ներդրմամբ, ինչն առավել արագ, դյուրին և արդյունավետ կդարձնի յուրաքանչյուր նոր օտար լեզվի ուսուցման գործընթացը:

Այսպիսով, հետազոտության արդիականությունը պայմանավորված է ՀՀ բուհերում ուսանողների անգլերենի բժշկական բառապաշարի և հաղորդակցական կարողունակությունների զարգացման անհրաժեշտությամբ:

Կարևորելով թեմայի արդիականությունը՝ փորձ է արվել բարելավել բժշկական բառապաշարի օպտիմալացման ուղիները, որն օտար լեզվի հաղորդակցական կոմպետենցիայի ձևավորման և զարգացման պայման է:

Հետազոտության արդիականությունը պայմանավորված է այն հանգամանքով, որ օտար լեզուների ուսուցումը բժշկական բուհերում մասնագիտական կրթության անբաժանելի մասն է: Մասնագիտական լեզվի գործնական իմացությունը՝ ըստ ուսումնական պլանի, ենթադրում է մասնագիտական տեղեկատվություն ստանալու նպատակով օտար լեզվով գիտական գրականության հետ ինքնուրույն աշխատելու, ինչպես նաև մասնագիտական տարբեր թեմաներով զրույց վարելու կարողություն: Ուսումնական գործընթացի դիտարկումները ցույց են տալիս, որ ուսանողներն ունեն անգլերեն բժշկական բառապաշարի հիմնականում ցածր մակարդակ, որն իր հերթին, հանգեցնում է ոչ արդյունավետ հաղորդակցման գործընթացի:

Հետազոտության արդիականությունը պայմանավորված է ՀՀ բուհերում ուսանողների անգլերենի բժշկական բառապաշարի և հաղորդակցական կարողունակությունների զարգացման անհրաժեշտությամբ:

Կարևորելով թեմայի արդիականությունը՝ փորձ է արվել բարելավել բժշկական բառապաշարի օպտիմալացման ուղիները, որն օտար լեզվի հաղորդակցական կոմպետենցիայի ձևավորման և զարգացման պայման է:

Հետազոտության գիտական նորույթը հաստատվում է հետազոտության ընթացքում և արդյունքում:

Լիանա Արզումանյանը նշում է, որ եթե Եթե բժշկական բառապաշարի ուսուցման մեթոդական համակարգի մշակման համար կիրառենք ճանաչողական-հաղորդակցական, հասկացության մոտեցումները, ապա կբարձրանա բժիշկ-ուսանողների հաղորդակցական կոմպետենցիայի զարգացման գործընթացի արդյունավետությունը:

Այս առաջադիր վարկածը ամբողջովին հաստատված է կատարված հետազոտության արդյունքներով:

Ատենախոսությունը բաղկացած է ներածությունից, երկու գլխից, եզրակացությունից, օգտագործված գրականության ցանկից և հավելվածից: Աշխատանքը պարունակում է աղյուսակներ և գծապատկերներ:

Ատենախոսության առաջին գլխում՝ «Ուսանողների հաղորդակցական կոմպետենտության զարգացման հիմնախնդիրը բժշկական համալսարանում» վերնագրով, որը բաղկացած է երեք ենթագլխից, քննության են առնվում բժիշկ-ուսանողների շրջանում հաղորդակցական կոմպետենցիայի ձևավորման և զարգացման գործընթացը: Առաջին ենթագլխում՝ «Հաղորդակցական կոմպետենցիայի ձևավորման առանձնահատկությունները EMP- դասընթացում» վերնագրով, ներկայացվում են հաղորդակցական կոմպետենտության հիմնական բաղադրիչները՝ լեզվական, հանրալեզվաբանական, խոսույթային, ռազմավարական, սոցիալական կոմպետենցիաները: Վերլուծվում են այն սկզբունքները, որոնց միջոցով իրականացվում է ճանաչողական-հաղորդակցական մոտեցումը:

Հաշվի առնելով EMP (English for Medical Purposes) դասընթացի հիմնական նպատակներն ու խնդիրները՝ հստակեցվել են բժշկական բառապաշարի դասավանդման սկզբունքներն ու ռազմավարությունները:

Երկրորդ ենթագլխում՝ «Բժշկական բառապաշար սովորելու հաղորդակցական-ճանաչողական մոտեցումը» վերնագրով, բացահայտվում են բժշկական ակտիվ և պասիվ բառապաշարի առանձնահատկությունները՝ համեմատական կտրվածքով ընկալողական, վերարտադրողական և արտադրողական բժշկական բառապաշարը:

Հաղորդակցական մոտեցման շրջանակներում նպատակահարմար է օգտագործել ուսանողների «ակտիվ գիտակցության» օտարալեզու բառային նյութի ձեռքբերման և մտապահման ռազմավարությունը: Միևնույն ժամանակ, անհրաժեշտ է օգնել ուսանողներին, որպեսզի հնարավորինս արդյունավետ լինի նրանց կողմից բառապաշարային միավորների յուրացման գործընթացը:

Երկրորդ գլուխը՝ «Անգլերեն բժշկական բառապաշարի ուսուցման ինտերակտիվ մեթոդները» վերնագրով, բաղկացած է երեք ենթագլխից:

Առաջին ենթագլխում՝ «Անգլերեն բժշկական բառապաշարի ճանաչողական-հաղորդակցական ռազմավարությունները» վերնագրով, քննության են առնվում «ռազմավարություն» հասկացությունը, ճանաչողական ռազմավարության նպատակը, վերլուծվում են հաղորդակցման ռազմավարությունները EMP դասընթացում:

Երկրորդ ենթագլխում՝ «Անգլերեն բժշկական բառապաշարի դասավանդման ինտերակտիվ մեթոդներն ու հնարները» վերնագրով, սահմանվում են բժշկական բառապաշարի ինտերակտիվ դասավանդման նպատակը, մասնագիտական կողմնորոշման բառապաշարի ճանաչողական-հաղորդակցական ուսուցման սկզբունքները, ընդհանուր առմամբ ներկայացված են ապագա բժշկական ուսանողների ուսուցման ինտերակտիվ տեխնոլոգիաները: Քննության են առնվել որոշ ինտերակտիվ մեթոդներ՝ քննարկում, նախագծի մեթոդ, դեպքերի ուսումնասիրություն, խմբային աշխատանք, քվեստ, վիկտորինա, դերային խաղեր, բլից հարցման մեթոդ, որոնց կիրառումը ենթադրում է ուսանողի ակտիվություն անգլերենի բժշկական բառապաշարի յուրացման գործընթացում: Նախագծի մեթոդը

համարվում է դասախոսի և ուսանողների կողմից հատուկ կազմակերպված ինքնուրույն գործողությունների մի շարք, որոնք թույլ են տալիս լուծում գտնել կոնկրետ խնդրի (գիտական, գործնական, ստեղծագործական, կենսական) շրջանականերում և ստեղծել որոշակի արտադրանք (նյութական կամ մտավոր): Նախագծի թեման սովորաբար խնդրահարույց բնույթ է կրում և չի ենթադրում մեկ ճիշտ լուծման առկայություն:

Բժշկական բառապաշարի ինտերակտիվ ուսուցման համատեքստում առաջին պլան են մղվում «Ինտերվյու» («Interview»), «Խճանկար» («Jigsaw»), «Ձնագունդ» («Snowball»), մոդելավորման հնար, դերային խաղեր մեթոդները: Կարևորվում է նաև քննարկումների մեթոդը, որը ներառում է բանավեճեր, կյոք սեղաններ, մտազրոհ, ասուլիս և կոնֆերանս: Երրորդ ենթագլխում՝ «Անգլերեն բժշկական բառապաշարի դասավանդման մեթոդական համակարգի արդյունավետության հիմնավորումը ճանաչողական-«հաղորդակցական մոտեցման տեսանկյունից» ներկայացվում է փորձարարական ուսուցման ընթացքը և արդյունքները, որն իրականացվել է Երևանի Մ. Հերացու անվան պետական բժշկական համալսարանում՝ փորձարարական ուսուցման ընթացքում: Ատենախոսության հիմնական դրույթները փորձի տարբեր փուլերում քննարկվել են Երևանի Մ. Հերացու անվան պետական բժշկական համալսարանի օտար լեզուների ամբիոնի և Վ. Բրյուսովի անվան պետական համալսարանի մանկավարժության և լեզուների դասավանդման մեթոդիկայի ամբիոնի հանդիպումներին:

Ձևակերպվել է փորձարարական ուսուցման նպատակը, այն է՝ խոսակցական բժշկական բառապաշարի ուսուցումը: Փորձարարական ուսուցման գործընթացում ընդգծվում է բառային միավորների սկզբնական մշակման ռազմավարության կարևորությունը, նույնականացման ռազմավարությունը, որը հիմնված է տեքստում անհայտ բառային միավորների որոնման մարտավարության և բառարանի (բառարան-թեզավրուս, սեփական բառարան, տարբեր էլեկտրոնային բառարաններ) օգտագործման մարտավարության վրա:

Լիանա Արզումանյանը աշխատանքի ընթացքում օգտագործվել է լեզվական, ընկալողական և վերլուծական վարժություններ: Հիմք ընդունելով, թե ինչ բառապաշարային հմտություններ և կարողություններ են ձևավորվում, պարզվել է

այն հիմնական հմտությունները, որոնք պետք է ձևավորվեն բժշկական բառապաշարի ուսուցման արդյունքում:

Ընդհանուր առմամբ, փորձարարական խմբի ուսանողներն ավելի լավ արդյունքներ են գրանցել ուսուցման ավարտին, քան ստուգողական խմբի ուսանողները: Դա բացատրվում է առաջին հերթին նրանով, որ բացի ուսումնական լեզվական վարժություններից, կատարել են ճանաչողական-հաղորդակցական մոտեցման տեսանկյունից մշակված վարժություններ: Ընդգծվել է վարժությունների իմաստային-գոգորդական և հաղորդակցական բնույթը: Փորձարարական ուսուցման աշխույժների վերլուծությունը ցույց է տալիս, որ ընկալողական և վերարտադրողական բառապաշարի միաժամանակյա զարգացումը փորձարարական խմբի ուսանողների մոտ առավել արդյունավետ է դարձնում առաջադրանքների կատարումը:

Փորձարարական ուսուցման վերջին՝ ավարտական փուլում բժիշկ-ուսանողներին դասավանդվում է մասնագիտական, հատուկ բառապաշար: Ընդհանուր առմամբ, փորձարարական ուսուցման առաջնային խնդիրը մասնագիտական խոսքում բժշկական բառապաշարի զարգացումն է: Փորձարարական ուսուցումն իրականացվել է դեղագիտության ֆակուլտետում:

Արտադրողական բժշկական բառապաշար մշակելու համար ատենախոսը օգտագործել է խոսքային, արտադրողական, հաղորդակցական և հետազոտական վարժություններ:

Կիրառվել է հաղորդակցական ռազմավարությունը ըստ որի՝ տեղի է ունենում խոսքի աշխատանքի պլանավորում: Բառապաշարի միավորների ընտրությունն իրականացվում է իրավիճակային համատեքստին համապատասխան՝ խոսքային ստեղծագործական բառապաշարի լրացման մարտավարության կիրառմամբ:

Չորրորդ վերահսկման և շտկման փուլում ձեռք բերված արդյունքը փոխկապակցվում է առաջադրված հաղորդակցական առաջադրանքի հետ, որոշվում է օգտագործվող բառային միավորների համապատասխանությունը տվյալ իրավիճակային համատեքստին, ստուգվում է համապատասխանությունը բառապաշարային և քերականական նորմերին:

Աշխատանքը փորձարկվել է Երևանի Մ. Հերացու անվան պետական բժշկական համալսարանում՝ փորձարարական ուսուցման ընթացքում: Փորձարարական աշխատանքին մասնակցել է 210 ուսանող: Ատենախոսության հիմնական դրույթները փորձի տարբեր փուլերում քննարկվել են Երևանի Մ. Հերացու անվան պետականբժշկական համալսարանի օտար լեզուների ամբիոնի և Վ. Բրյուսովի անվան պետականհամալսարանի մանկավարժության և լեզուների դասավանդման մեթոդիկայի ամբիոնի հանդիպումներին:

Դրա հետ մեկտեղ կարելի է ներակայացնել որոշ դիտարկումներ, որոնք հետագայում կարող են բարելավել հետազոտության որակը:

1. Ցանկալի կլիներ հստակեցնել օգտագործված տերմինաբանությունը և ապահովել հիմնական հասկացությունների միասնական կիրառումը ամբողջ աշխատանքի ընթացքում՝ խուսափելով հնարավոր բազմիմաստություններից և ոճական անհամապատասխանություններից, ինչը կուժեղացներ աշխատանքի գիտական և գործնական արժեքը:
2. Աշխատանքը կարող էր շահել, եթե ավելացվեին համեմատական վերլուծություն ավանդական և ճանաչողական-հաղորդակցական մոտեցումների միջև՝ ընդգծելով վերջինիս առավելությունները բժշկական մասնագիտական բառապաշարի ուսուցման համատեքստում:
3. Առաջարկվում է ընդլայնել օգտագործված աղբյուրների շրջանակը՝ ներառելով ավելի նոր միջազգային հետազոտություններ և մեթոդական հրապարակումներ, ինչը կնպաստի աշխատանքի տեսական հենքի ամրապնդմանը և արդիականությանը
4. Աշխատանքում առկա են տեխնիկական վրիպակներ և սպրդումներ, որոնք վերանայման կարիք են գգում:

Այսպիսով, կարելի է նշել, որ ատենախոսը իրականացրել է համապարփակ հետազոտություն՝ ներառելով թե՛ գրականության վերլուծություն, թե՛ փորձարարական տվյալների հավաքագրում և վերլուծություն, ինչը բարձրացնում է աշխատանքի գիտական արժեքը և կիրառական նշանակությունը:

Ընդհանուր առմամբ ատենախոսությունը համապատասխանում է գիտական աշխատանքի պահանջներին, ունի տեսական և կիրառական արժեք, և կարող է օգտակար լինել ինչպես ուսանողների ու դասախոսների, այնպես էլ բժշկական ոլորտի մասնագետների համար: Ներկայացված ատենախոսությունը կարելի է գնահատել որպես գիտականորեն հիմնավորված և գործնական կիրառման համար կարևոր ուսումնասիրություն: Դրական է նաև այն, որ հրատարակված հոդվածները և սեղմագիրը համապատասխանում են ատենախոսության բովանդակությանը:

#### Եզրակացություն

Լիանա Սերժիկի Արզումանյանի «Ճանաչողական-հաղորդակցական մոտեցումը բժշկական մասնագիտական անգլերեն բառապաշարի ուսուցմանը» ատենախոսությունը ամբողջական, գիտական ու լեզվական բարձր մակարդակով իրականացված հետազոտություն է: Այն լիովին համապատասխանում է ՀՀ գիտական աստիճանաշնորհման կանոնակարգի 7-րդ կետի պահանջներին, բավարարում է ԲԿԳԿ-ի կողմից մանկավարժական գիտությունների թեկնածուի /ԺԳ.00.02 թվանիշով/ գիտական աստիճանին ներկայացվող ժամանակակից պահանջները, որն էլ հիմք է տալիս միջնորդելու ՀՊՄՀ-ում գործող՝ գիտական աստիճաններ շնորհող 020 մասնագիտական խորհրդի առջև նրա հեղինակին շնորհելու իր հայցած մանկավարժական գիտությունների թեկնածուի գիտական աստիճանը:

Ընդդիմախոս՝

մանկ. գիտ. թեկնածու, դոցենտ, Մ. Ա. Դարաբյան

Մ.գ.թ., դոցենտ Մ. Ա. Դարաբյանի ստորագրությունը հաստատում եմ՝

Խ. Աբովյանի անվան Հայկական պետական մանկավարժական համալսարանի  
գիտական քարտուղար



մ.գ.թ., դոցենտ, Հ. Վ. Թադևոսյան

12.01.2026